



# Մ Ո Ւ Ր Բ Զ Ա Կ Ո Ր

## ԱՌԱՋՆՈՐԴԱՆԻՍ ՄԱՅՐ ԿԵՂԵՅԻ



### ԳԱՍՏԵԱՆ ԿՐՈԱԿԻ

7 ԱՊՐԻԼ 2019

Կիրակնօրեայ Ընթերցումներ	Էջ 1
«Այսօր Աննա»ի շարքին թիւ 3, 4, 5	Էջ 5
Ծանուցումներ	Էջ 7

### ԸՆԹԵՐՑՈՒՄ

#### ԵՍԱՅԻ ՄԱՐԳԱՐԷԻ ԳԻՐՔԷՆ

(66.1-24)

**Տ**էրը այսպէս կ'ըսէ.-

«Երկիրն քը իմ աթոռս է եւ երկիրը՝ ոտքերուս պատուանդանը: Ինչպիսի՞ տուն պիտի շինէք ինծի համար, կամ ո՞ւր պիտի ըլլայ իմ հանգստավայրս. որովհետեւ երկիրն քն ու երկիրը ե՛ս ստեղծեք եմ եւ իմս են,- կ'ըսէ Տէրը: Սակայն ես պիտի բնակիմ անո՛ր մէջ՝ որ հեզ է եւ քաղցր, եւ երկիւղածութեամբ կը հնազանդի իմ խօսքերուս:

Գալով անօրէն մարդուն, անոր՝ ինծի եզ զոհելը մարդասպանութեան համազօր է, ոչխար զոհելը՝ շուն մորթելու, նաշիհ մատուցանելը՝ խոզի արիւն ընծայելու, եւ իմ անունիս կնդրուկ ծխելը՝ ինծի հայհոյելու, որովհետեւ իրենք իրենց ցանկութիւնները կատարեցին եւ հոգիով իրենց գարշելի կուռքերուն փարեցան: Ուստի ես ալ հրապարակաւ պիտի խայտառակեմ զիրենք եւ իրենց մեղքերուն փոխարէնը պիտի հատուցանեմ իրենց. որովհետեւ կանչեցի զիրենք եւ չլսեցին զիս, խօսեցայ եւ մտիկ չըրին, եւ ըրին այն ինչ որ չար է իմ աչքիս, ընտրեցին այն ինչ որ կամքիս հակառակ էր»: Լսեցէ՛ք Տիրոջ պատգամը, ո՛վ աստուածավախներ. ձեզ ատող եւ ձեզ զգուելի համարողներուն ըսէք, ո՛վ եղբայրներ, թէ Տիրոջ անունը պիտի փառաւորուի եւ այդ փառքը ձեր ուրախութեան մէջ պիտի արտացոլայ, իսկ իրենք ամօթով պիտի մնան: Ահա քաղաքէն աղաղակ

մը կը լսուի, ձայն մը՝ որ տաճարէն կու գայ: Տիրոջ ձայնն է, որ իրեն հակառակորդներուն հատուցանելիք պատիժը կը վճռէ: Կարելի՞ թան է որ կին մը հագիւ յղացած՝ ծնի, որ երկունքի ցաւ չքաշէ եւ առանց երկունքի արու գաւակ մը ծնի: Միթէ լսուա՞ծ կամ տեսնուա՞ծ թան է որ երկիրը մէկ օրուան մէջ յղանայ եւ մէկ անգամէն ամբողջ ազգ մը ծնի: Բայց ահա Սիոնը այդպէ՛ս յղացաւ եւ ծնաւ իր գաւակները: «Ե՛ս այդ յոյսը տուի քեզի, եւ դուն զիս մոռցար,- կ'ըսէ Տէրը,- մոռցար որ ե՛ս է որ կը ստեղծեմ ամուլը եւ ծնանողը», - կ'ըսէ քու Աստուածը: Ուրախացի՛ր, Երուսաղէ՛մ, եւ դուք՝ Երուսաղէ՛մը սիրողներ, այնտեղ տօն կատարելու հաւաքուեցէք. անոր հետ միասին ուրախացէք եւ ցնծացէք դուք՝ որ անոր համար նստած սուգ կ'ընէիք, քանի կատարեալ մխիթարութիւն պիտի գտնէք անոր մայրական գիրկին մէջ, եւ կուշտ ու կուռ պիտի վայելէք անոր գալիք փառքը: Որովհետեւ Տէրը այսպէս կ'ըսէ.- «Ահա Լաւանի եւ խաղաղութեամբ պիտի ողողեմ զիրենք, գետի մը պէս, ազգերու փառքով պիտի ծածկեմ, յորդահոս հեղեղի մը պէս: Անոնց գաւակները ուսերու վրայ պիտի բերուին եւ ծունկերու վրայ պիտի գգուուին: Ինչպէս մայր մը կը գգուէ իր մանուկը, այնպէս պիտի գգուեմ ձեզ եւ մխիթարութիւն պիտի գտնէք»: Այո՛, պիտի տեսնէք այս բաները եւ ձեր սիրտերը խնդութեամբ պիտի լեցուին, ձեր մարմինները դալար խոտի պէս պիտի թարմանան: Տիրոջ ձեռքը պահապան պիտի ըլլայ իր երկիւղածներուն վրայ, իսկ անհաւատներու գլխուն որպէս սպառնալիք պիտի կախուի, որովհետեւ ահա Տէրը կու գայ կրակի պէս եւ անոր կառքերը՝ մըրրիկի պէս, իր բարկութեամբ հատուցանելու եւ բոցավառ կրակով բնաջնջելու: Այո՛, Տէրը կրակով պիտի դատէ բոլոր մարդիկը, եւ շատ պիտի ըլլան Տիրոջ սուրով ինկողները: «Անոնք որ մաքրութեան յատուկ ծէսերէ

կ'անցնին՝ պարտէզներու մէջ կուռքեր պաշտելու համար, եւ սրահներու մէջ քաշուած՝ խոզի միս, գարշելի կենդանիներ եւ մուկ կ'ուտեն, միասին պիտի բնաջնջուին,- կ'ըսէ Տէրը,- որովհետեւ ես պիտեմ իրենց ծածուկ գործերն ու խորհուրդները: Ահա ես կու գամ բոլոր ազգերն ու ժողովուրդները հաւաքելու: Անոնք պիտի գան եւ իմ փառքս տեսնեն: Անոնցմէ ինծի հաւատարիմ մնացողներուն վրայ նշան պիտի դնեմ, եւ այդ փրկուածները պիտի զրկեմ բոլոր ազգերուն, դէպի Սպանիա, Լիպիա, Լիդիա, Փուլգիա, Կիլիկիա եւ Յունաստան, եւ մինչեւ հեռաւոր կղզիներ որոնք իմ անունս չեն լսած եւ փառքս չեն տեսած: Անոնք այս ազգերուն պիտի պատմեն իմ փառքս եւ անունս, եւ բոլոր ազգերուն մէջէն ձեր եղբայրները գտնելով՝ զանոնք ինծի պիտի բերեն որպէս նուէր: Պիտի բերեն ձիերով ու կառքերով, եւ ձիաքարչ ծածկաւոր գահաւորակներով, այնպէս՝ ինչպէս Իսրայէլի որդիները սաղմոսելով իմ տաճարս կու գային իրենց զոհերը ինծի բերելով. եւ ես անոնց մէջէն ինծի համար քահանաներ ու ղեկաւորներ պիտի ընտրեմ,- կ'ըսէ Տէրը: Եւ ինչպէս նոր երկինքն ու նոր երկիրը զոր անա ես կը ստեղծեմ ինձմով պիտի գոյատեւեն, այնպէս ալ ձեր սերունդն ու ձեր անունը ինձմով պիտի գոյատեւեն,- կ'ըսէ Տէր Աստուած,- եւ իրենց դէմ մեղանշած մարդոց դիակները, որոնց վրայէն որդերը պիտի չպակսին, եւ որոնք անդադար պիտի այրին, բոլոր մարդոց օրինակ ըլլալու համար»:

ԸՆԹԵՐՑՈՒՄ

ՊՕՂՈՍ ԱՌԱՔԵԱԼԻ ԿՈՂՈՍԱՑԻՆԵՐՈՒՆ  
ԳՐԱԾ ՆԱՄԱԿԷՆ  
(2.16-3.17)

**Կ**արեւորութիւն մի՛ տաք անոնց որոնք ձեզ կը քննադատեն թէ ինչո՞ւ չէք պահեր ուտելու եւ խմելու, տօնակատարութեանց, ամսամուտերու եւ Շաբաթ օրերու վերաբերող կանոնները. որովհետեւ այդ բոլորը գալիք իրականութեանց շուքն էին, իսկ իրականութիւնը Քրիստոսի մէջ է:

Չըլլայ որ ոեւէ մէկը իր խստակրօնութեամբ, հրեշտակներուն տուած կարեւորութեամբ եւ

զանազան բաներու տեսիլքներով ձեզ մոլորեցնէ եւ մրցանակէն զրկէ. որովհետեւ այդպիսիները մարդկային հպարտութենէ տարուած են եւ կ'ուզեն իրենք զիրենք պարտադրել ձեզի: Անոնք կապ չունին Գլուխին՝ Քրիստոսի հետ. մինչդեռ մարմինը՝ Քրիստոսի եկեղեցին, իր բոլոր յօդերով ու խաղերով Գլուխին կապուած ու միացած, անկէ կ'առնէ իր աճումը, Աստուծոյ կամքին համաձայն:

Քանի Քրիստոսի հետ մեռաք եւ բնութեան ոյժերու տիրապետութենէն դուրս եկաք, ինչո՞ւ կը շարունակէք ապրիլ այնպէս՝ որպէս թէ ձեր կեանքը աշխարհէն կախում ունենար, եւ կը հնազանդիք մարդոց կողմէ տրուած եւ ուսուցուած պատուիրաններու, ինչպէս. «Մի՛ մօտենար, մի՛ ուտեր, մի՛ դպչիր», եւայլն: Անոնք բոլորն ալ բաներ են՝ որոնք գործածութեամբ կը փճանան: Այդպէս պատուիրողները իմաստուն կրնան թուիլ՝ իրենց բարեպաշտական ինքնակամ արտայայտութիւններով, խստակրօնութեամբ եւ մարմինը անխնայ կերպով ճնշելով, բայց այս բաները որեւէ արժէք չունին եւ միայն մարմինը բաւարարելու կը ծառայեն:

Քանի որ յարութիւն առիք Քրիստոսի հետ, այսուհետեւ ձեր ուշադրութիւնը երկինք դարձուցէք, որովհետեւ հոն է Քրիստոս, Հօր աջ կողմը նստած: Երկնաւոր բաներու մասին խորհեցէք եւ ոչ երկրաւոր բաներու. որովհետեւ դուք այս աշխարհին համար մեռաք, որպէսզի Քրիստոսի հետ միասին ապրիք այն կեանքով որ Աստուած վերապահած է ձեզի: Իսկ երբ Քրիստոս՝ մեր կեանքը՝ յայտնուի, այն ատեն դուք ալ փառքով պիտի յայտնուիք անոր հետ:

Հետեւաբար մեռցուցէ՛ք ձեր մէջ երկրաւոր ցանկութիւնները, այսինքն՝ ձեզմէ դուրս վանեցէք պոռնկութիւնը, պղծութիւնը, կիրքը, չար ցանկութիւնը եւ ազահութիւնը՝ որ կռապաշտութիւն է. որովհետեւ այդ բոլորը Աստուծոյ անհնազանդ մարդոց գործերն են, եւ Աստուած պիտի պատժէ զանոնք: Նախապէս դուք ալ այդ բոլորը կ'ընէիք, երբ տակաւին այդ ցանկութիւններով կ'ապրէիք: Բայց հիմա ձեզմէ դուրս նետեցէք բարկութիւնը, զայրոյթը եւ չարութիւնը: Ձեր բերնէն որեւէ հայհոյութիւն

կամ լիտի խօսք չլսուի: Սուտ մի՛ խօսիք իրարու: Մոռցէք ձեր հին կեանքն ու նախկին գործերը, եւ նոր մարդ եղէք՝ ձեր Արարիչին պատկերին համաձայն նորոգուելով, որպէսզի զԱստուած ճանչնաք: Անգամ մը որ նորոգուեցաք՝ ա՛լ չկայ հրեայ կամ հեթանոս, թլփատուած կամ անթլփատ, բարբարոս, վայրենի, ծառայ կամ ազատ. կայ միայն Քրիստոս, որ ամէն ինչ է եւ բոլորին մէջ:

Հետեւաբար, որպէս Աստուծոյ կողմէ ընտրուած ու սրբուած եւ իր սէրը վայելող մարդիկ՝ գլխաւորապէս եղէք. եղէք ողորմած, քաղցր, խոնարհ, հեզ եւ համբերատար: Իրարու հանդէպ հանդուրժող եղէք. եւ ներեցէք իրարու, երբ մէկը միւսին դէմ տրտունջ մը ունենաք: Ինչպէս Աստուած Քրիստոսի միջոցաւ ներեց ձեզի, այնպէս ալ դուք իրարու ներեցէք: Եւ այս բոլորին վրայ՝ աւելի սէր ունեցէք, որովհետեւ սէրը ամէն ինչի ամբողջացուցիչ շաղախն է: Ձեր սիրտերուն մէջ Քրիստոսի խաղաղութիւնը թող թագաւորէ, որովհետեւ Աստուած այդ խաղաղութեան կանչեց ձեզ մէկ մարմնի մէջ, որ Քրիստոսի եկեղեցին է: Ուստի շնորհակալ եղէք Աստուծոյ:

Թող Քրիստոսի խօսքը ձեր մէջ բնակի իր ամբողջ հարստութեամբ, որպէսզի կատարեալ իմաստութեամբ սորվեցնէք իրարու եւ զիրար խրատէք, եւ սաղմոսներով, օրհնութիւններով ու հոգեւոր երգերով ձեր սիրտերուն մէջ շնորհակալութեամբ զԱստուած օրհնէք: Եւ ինչ որ ալ ընէք, խօսքով թէ գործով, միշտ Տէր Յիսուսի անունով ըրէք, անոր միջոցաւ գոհութիւն յայտնելով Հօր Աստուծոյ:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ  
ԸՍՏ ՄԱՏԹԵՈՍԻ  
(22.34-23.39)

**Ե**րբ փարիսեցիները լսեցին, թէ Յիսուս սաղմոսները պապանձեցուց, իրարու քով եկան: Անոնցմէ մէկը, օրէնսագետ մը, Յիսուսը փորձելու համար հարցուց. «Վարդապետ, Օրէնքին մէջ ո՞րն է մեծագոյն պատուիրանը»: Յիսուս ըսաւ անոր. «Միրէ քու Տէր Աստուածդ ամբողջ սրտովդ, ամբողջ հոգիովդ եւ ամբողջ մտքովդ»: Ասիկա է մեծագոյն եւ

առաջին պատուիրանը: Երկրորդը ասոր նման է, “Միրէ ընկերդ քու անձիդ պէս”: Այս երկու պատուիրաններէն կախեալ են ամբողջ Օրէնքը եւ մարգարէութիւնները»:

Երբ փարիսեցիները հաւաքուեցան, Յիսուս հարցուց անոնց. «Ի՞նչ կը խորհիք Քրիստոսի, խոստացուած Փրկիչին մասին: Որո՞ւն որդին է ան»: Անոնք պատասխանեցին. «Դաւիթի»: Յիսուս ըսաւ անոնց. «Բայց ինչպէ՞ս Դաւիթ Ս. Հոգիով ներշնչուած՝ զայն Տէր կը կոչէ ու կ’ըսէ. “Տէրը իմ Տիրոջս ըսաւ. – Աջ կողմս նստէ, մինչեւ թշնամիներդ ոտքերուդ տակ դնեմ որպէս պատուանդան”:

«Արդ, եթէ Դաւիթ զայն Տէր կը կոչէ, ինչպէ՞ս անոր որդին կ’ըլլայ»: Ոչ ոք կրցաւ պատասխան տալ Յիսուսի. եւ այդ օրուրնէ սկսեալ ոեւէ մէկը չէր համարձակեր իրեն հարցում ուղղել:

Ապա Յիսուս ժողովուրդին եւ իր աշակերտներուն ըսաւ.

«Մովսէսի աթոռը նստան օրէնքի ուսուցիչներն ու փարիսեցիները: Իրենց ըսածներուն հնազանդեցէք եւ կատարեցէք զանոնք, սակայն մի՛ ընէք ինչ որ իրենք կ’ընեն. որովհետեւ անոնք կը սորվեցնեն, բայց չեն կատարեր: Անոնք ծանր եւ դժուարակիր բեռներ կը դնեն մարդոց ուսերուն, մինչ իրենք նոյն բեռները կրելու նուազագոյն ճիգն իսկ չեն ըներ: Ինչ որ կ’ընեն՝ մարդոց երեւելու համար կ’ընեն: Իրենց գրապանակները կը լայնցնեն եւ իրենց հագուստներուն ծոպերը կ’երկնցնեն: Ընթրիքներու ընթացքին պատուոյ տեղերը գրաւել կը սիրեն եւ ժողովարաններու մէջ՝ առաջին աթոռները: Կը սիրեն հրապարակներու վրայ մարդոցմէ բարեւներ ընդունիլ եւ “Վարդապետ”, այսինքն “ուսուցիչ” կոչուիլ: Բայց դուք ոեւէ մէկը “վարդապետ” մի կոչէք, որովհետեւ դուք բոլորդ եղբայրներ էք եւ մէկ ուսուցիչ ունիք: Երկրի վրայ ոեւէ մէկը “հայր” մի՛ կոչէք, որովհետեւ դուք մէկ Հայր ունիք, որ երկինքի մէջ է: “Առաջնորդ” մի՛ կոչուիք, որովհետեւ ձեր միակ առաջնորդը Քրիստոս է: Ձեր մէջէն մեծը թող ձեր սպասաւորը ըլլայ: Ով որ իր անձը կը բարձրացնէ՝ պիտի խոնարհի, եւ ով որ իր անձը կը խոնարհեցնէ՝ պիտի բարձրանայ:

«Վա՛յ ձեզի, կեղծաւորներ, օրէնքի ուսուցիչ-

ներ եւ փարիսեցիներ, որ երկինքի արքայութիւնը կը փակէք մարդոց առջեւ. դուք չէք մտածեր եւ թոյլ չէք տար նաեւ անոնց որ կ'ուզեն մտնել:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ մէկ կողմէ այրիններուն տունները իրենց ձեռքէն կը յափշտակէք, միւս կողմէ կեղծաւորութեամբ ձեր աղօթքը կ'երկարէք. ասոր համար աւելի խիստ դատապարտութիւն պիտի ընդունիք:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ մէկ կողմէ ծով ու ցամաք կը շրջիք մէկը նորահաւատ ընելու համար, իսկ երբ յաջողիք՝ գայն ձեզմէ կրկնապատիկ աւելի գեհնի արժանի կ'ընէք:

«Վա՛յ ձեզի, կոյր առաջնորդներ: Կ'ըսէք. “Ան որ տաճարին վրայ կ'երդնու՝ երդումը կատարելու պարտաւորութեան տակ չէ, բայց ան որ տաճարին ոսկին վրայ կ'երդնու՝ պարտաւոր է կատարելու”: Յիմարնե՛ր, կոյրե՛ր. ո՞ր մէկը կարեւոր է, ոսկի՞ն թէ տաճարը, որ կը սրբագործէ ոսկին: Կամ կ'ըսէք. “Ան որ զոհի սեղանին վրայ երդում կ'ընէ՝ երդումը կատարելու պարտաւորութեան տակ չէ, բայց ան որ կ'երդնու սեղանին դրուած զոհին վրայ՝ պարտաւոր է կատարելու”: Յիմարնե՛ր, կոյրե՛ր. ո՞ր մէկը աւելի կարեւոր է. զո՞հը թէ զոհասեղանը, որ կը սրբագործէ զոհը: Հետեւաբար, ով որ կ'երդնու սեղանին վրայ, կ'երդնու թէ՛ սեղանին եւ թէ՛ հոն եղածներուն վրայ: Ով որ կ'երդնու տաճարին վրայ, կ'երդնու թէ՛ տաճարին եւ թէ՛ Աստուծոյ վրայ, որ հոն կը բնակի: Նոյնպէս, ով որ կ'երդնու երկինքի վրայ, կ'երդնու թէ՛ Աստուծոյ գահին եւ թէ՛ Աստուծոյ վրայ, որ հոն կը նստի:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ անանուխին, սամիթին եւ չամանին տասանորդը կու տաք եւ կ'անտեսէք Օրէնքին կարեւոր պարտաւորութիւնները, այսինքն՝ արդարութիւնը, ողորմութիւնը եւ հաւատարմութիւնը: Ասոնք պէտք է գործադրել, առանց միւսները անտեսելու: Կո՛յր առաջնորդներ, մէկ կողմէ մօղուկը կը քամէք, միւս կողմէ սակայն ուղտը կը կլլէք:


«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ պնակին ու գաւաթին արտաքինը կը մաքրէք, մինչ գիտէք թէ ներսիդին եղող ուտելիքն ու խմելիքը ի՛նչ

յափշտակութեամբ եւ աղտեղութեամբ ձեռք բերած էք: Կո՛յր փարիսեցի, նախ գաւաթին եւ պնակին ներսը մաքրէ. այսպիսով դուրսն ալ մաքուր կ'ըլլայ:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ կը նմանիք կիրով ճերմկցուած գերեզմաններու, որոնք արտաքնապէս գեղեցիկ կ'երեւին, բայց ներքնապէս լեցուն են մեռելներու ոսկորներով եւ ամէն տեսակի պղծութեամբ: Նոյնպէս էք դուք. արտաքնապէս մարդոց արդար կ'երեւիք, բայց ներքնապէս լեցուն էք կեղծաւորութեամբ եւ անօրէնութեամբ:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ մարգարէներու շիրիմները կը շինէք եւ արդարներուն գերեզմանները կը զարդարէք ու կ'ըսէք. “Եթէ մենք մեր հայրերուն ժամանակը ապրած ըլլայինք, մարգարէներու սպանութեան մասնակից պիտի չըլլայինք”: Ահաւասիկ, դուք արդէն իսկ կը վկայէք թէ որդիներն էք անոնց՝ որոնք մարգարէները կոտորեցին: Գացէք ամբողջացուցէք ձեր հայրերուն կիսատ ձգած գործը: Օձե՛ր, իժերո՛ւ ծնունդներ, ինչպէ՞ս պիտի կարենաք փախուստ տալ դժոխքի դատապարտութենէն: Ահա, ես ձեզի մարգարէներ, իմաստուններ, օրէնքի ուսուցիչներ պիտի զրկեմ. դուք անոնցմէ ոմանք պիտի սպաննէք, ոմանք խաչէք, ուրիշներ ժողովարաններու մէջ պիտի չարչարէք եւ հալածէք քաղաքէ քաղաք: Այսպիսով բոլոր արդարներուն սպանութեան մասնակից եղած պիտի ըլլաք, սկսեալ անմեղ Աբէլի արիւնէն մինչեւ արիւնը Բաբելոնի որդի Զաքարիայի, զոր սպաննեցիք տաճարին եւ զոհասեղանին մէջտեղ: Հաստատ գիտցէք, թէ այս բոլոր ոճիրներուն պատիժը պիտի կրէք դուք:

«Երուսաղէ՛մ, Երուսաղէ՛մ, որ կը կոտորէիր մարգարէները եւ կը քարկոծէիր Աստուծոյ քեզի զրկած մարդիկը. քանի՛ անգամ ուզեցի որդիներդ հաւաքել, ինչպէս հաւը իր ձագերը կը հաւաքէ թեւերուն տակ, բայց դուք, Երուսաղէմի՛ բնակիչներ, չուզեցիք: Ահա, “աւերակ պիտի ըլլայ ձեր տունը”: Բայց կ'ըսեմ նաեւ, ա՛լ պիտի չտեսնէք զիս մինչեւ որ ըսէք. “Օրհնեալ ըլլայ ան որ կու գայ Տիրոջ անունով”»:



**«ԱՅՍՕՐ ԱՆՃԱՌ»-ԻՆ  
ԹԻՒ 3, 4, 5**

ՀԵՂԻՆԱԿ՝ ՆԵՐՍԵՍ ՀՆՈՐՀԱԼԻ  
ԹԱՐԳԱՆՈՒԹԻՒՆ՝ ԳԱՌՆԻ

“ԽՆԱՄՈՎ ՍԻՐՈՅՆ”

Միրոյ խնամաստարութեամբը  
իր սիրելիներէն փարատեց տրտմութիւնը:  
Պատառ թաթիսելով գինիին մէջ  
Յուդայի՝ նշաւակեալ մատնիչ գողին տուաւ:  
Իսկ ան պատառը առնելով  
Աստուածային Հոգիին շնորհներէն մերկացաւ,  
ու վարդապետը մատնելով՝  
ինքզինք մատնեց նախաչարին:

Ծայրագոյն լոյսէն գրկուած՝  
խաւարասէրը դուրս ելաւ:  
Տէրը լուսաւորեալներուն յայտնեց,  
թէ ան գիշերուան մէջ պիտի գայթակղի:  
Պետրոս յանդուգն կ'արտայայտուէր,  
սակայն կը կշտամբուէր նախքան արեւածագը  
իրեն հետ պատահելիքին կանխասացութեամբ:

Խորհրդալից Վերնատունէն ելաւ գնաց  
Կեղրոնեան ձորին\* միւս կողմը,  
եւ պարտէզ մտաւ,  
իբրեւ փոխաբերութիւն  
Ադամը երկնային պարտէզէն՝

\* Երուսաղէմի արեւելքին գտնուող ձոր:

Եղեմի դրախտէն ներս մտցնելուն:  
Մեզ եւս անոր հետ մտցուր հոն՝  
ուրկէ նախ հանած էիր զինք,  
որպէսզի վերստին արժանանանք  
հայրենի ժառանգութեան:

Երեք անգամ առանձնանալով՝  
տրտում յուզումներէն  
եւ միտքերէն կը տանջուէր.  
"Աշխարհը փրկելու յօժար է հոգիս,  
բայց մարմնիս բնութիւնը տկար է", կ'ըսէր:  
Սակայն ըսել չէր ուզեր,  
թէ մէկը ուժեղ է եւ զօրաւոր,  
մէկն ալ՝ անզօր եւ վտանգի ենթակայ:  
Անոնք միաւորեալ նոյն բնութիւնն էին,  
որով կամաւորաբար կը կրէր տանջանքը:

Աղօթական ձայնով  
իրեն Էակից Հօրմէ  
իմ փոխարէն կը հայցէր:  
Ծունկի կու գար խոնարհաբար ան՝  
որուն առջեւ ծունկի կու գար ամէն ինչ:  
Կը հայցեր, ըսելով՝  
"Եթէ մարդոց փրկուիլը հնար է  
առանց ինծի համար սահմանուած մահուան՝  
թող հեռանայ ինձմէ մահուանս բաժակը,  
սակայն ոչ թէ իմ կամքս ըլլայ,  
այլ ըլլայ քու կամքդ":

Մահուան սոսկումին պատճառով  
ծածկուած էր հոսումէն քրտինքներու,  
որոնք իբրեւ ոլորնաձեւ կայլակ կը վիժէին:  
Չօրացնելու համար հրեշտակ մօտեցաւ իրեն՝  
որպէսզի Օրէնքին մէջ գրուածը իր լրումին  
հասնի:  
Աստուած Բանը կատարելապէս իւրացուց  
մարդկային բնութիւնը.  
սոսկումն ու տրտմութիւնը,  
որ ադամական օրինազանցութեան  
հետեւանքն էին,  
ան պէտք է կրէր իր մէջ:



“ՃԱՌԱԳԱՅՌ”

Փառքի էին, ով Ճառագայթ,  
որ գիշերուան մէջ  
տագնապեցար որպէս մարդ,  
եւ աղօթեցիր Երկնաւոր Հօր,  
մեր մէջ ծագէ լոյսդ երկնային  
ու փարատէ չարին վախը:  
Մեր հոգիներուն կարողութիւնները  
եւ մարմնի անդամները  
քու սուրբ երկիւղիդ վրայ թող սեւեռուին:

Յուդան, որ պիտի մատներ,  
փարիսեցիներու խումբին հետ մօտեցաւ:  
Անոր արարքին առջեւ պարտուեցան նոյնիսկ  
յաւիտեան դատապարտուած ստորանկեալները:  
Յուդան նենգաբար համբուրելով՝  
մահուան առիթ նշան տուաւ:  
Փոխան սիրոյ՝ գայն մատնեց,  
եւ բարիին հատուցանեց չարիքով:

Այն ատեն,  
սիրոյն անձկութենէն  
Պետրոս մտիկ չընելով տիրոջ սաստը՝  
Մաղքոս անուն ծառային  
աջ ականջը կտրեց սուսերով:  
Իսկ մեր տէրը  
արագապէս ականջը կպցուց բժշկելով,  
եւ որպէս Աստուած առողջացուց,  
որ սակայն կոյրերուն բազմութիւնը չտեսաւ:

Փոքր նոր հօտը ցրուեցաւ  
քաջ հովիւի կրած հարուածին վրայ:  
Միայն Պետրոս անոր հետեւեցաւ:  
Հաւատքի վէմը սասանեցաւ  
յետ աղախինի հարցումին:  
Կանխանշեալ հաւը կը խօսէր  
եւ Պետրոսի մտաբերել կու տար Տիրոջ ըսածը:  
Ան կը յիշէր Յիսուսի խօսքը  
եւ դառն կ'արտասուէր,  
ու կը կանգնէր անկումէն:

Եկեղեցիին շնորհած էիր հաւատքի վէմը,

որ փրկեցիր սահանքային անկումէն յետոյ,  
եւ գլորուելէն յետոյ կանգնեցիր,  
որովհետեւ սրտանց արտասուեց:  
Չիս ալ անոր հետ՝  
գլորումէ սայթաքողին հետ կանգնէ, Տէր,  
աչքերուս յորդ արտասուք տալով,  
եւ լուսով գլուխս ծովածաւալ ջուրով:

Ան՝ անկապելին,  
որ մարդոց ձեռքերը կապանքներէն կ'ազատէ,  
կամաւորաբար կապուեցաւ:  
Չինք Կայիափայի եւ Աննայի ապարանքը կը  
տանէին:  
Ծառան կ'ապտակէր այն երեսը,  
որուն առջեւ սերովբէն իր նայուածքը  
թելերովը կը ծածկէր:  
Պիղծ բերանով կը թքնէր անոր վրայ,  
որ իր թուքով կոյրին լոյս պարգեւեց:

“ՉԱՐ ԿԱՊԱՆԱՅ”

Ով մարդոց չար կապանքները քակող,  
որ կապուեցար կապուածին համար,  
զիս արձակէ ինքնակապ  
դժոխային մեղքի կապերէն:  
Դուն՝ անմեղդ  
որ պարտաւորի մեղքերուն փոխարէն  
ատեան կեցար,  
երբ երկնային հայրենիքի փառքով գաս՝  
անոնց հետ մի՛ դատեր զիս:

Հին Ադամի մեղանջման  
ամօթալի բեռները կրելով  
անոր համար խայտառակուեցար:  
Չնչէ մեղքի լիրբ ամօթը,  
որով ծածկուեցաւ հոգիս:  
Դուն որ քեզ ապտակող  
չար ծառային ներեցիր,  
ուժգնակի հարուածէ չարի դէմքին,  
այնպէս՝ ինչպէս ան ինձի հարուածեց:

Լոյսի Չահը

հին գատկուայ Ուրբաթ առաւօտուն  
դատաւորին առջեւ կը կենար,  
մինչ ան որ Աստուծոյ ծրագրին ծառայ մըն է՝  
կը բազմէր ատեանի գահին:  
Երբ Պիղատոս կը հարցնէր՝  
Տէրը չէր պատասխաներ անոր,  
որպէսզի կատարուի մարգարեական գրութիւնը,  
որ կ'ըսէ՝ Եղայ մարդ որ չի խօսիր:

Չինուորներու ռամիկ խումբերը  
նախատանքի զգեստ հագցուցին անոր՝  
որուն զգեստը փառքի լոյսն է,  
եւ ան զգեստը իր վրայ կրեց իբրեւ ծածկոց:  
Չինուորները ծունկի գալով կը կատակէին  
եւ գլխուն եղեգով կը զարնէին:  
Փշէ պսակ կը դնէին անոր գլխուն՝  
որ մարդոց մեղքերուն փուշը վերցուցած էր:

Անկէ որ սերովբէները կը սոսկան՝  
ինք իսկ կը վերցնէր խաչափայտը,  
մինչեւ գանկի վայրը,  
ուր թաղուած էր նախամարդը:  
Այնտեղ զմռսուած գինի տուին որ խմէ,  
ու լեղախառն կերակուր՝ որ ուտէ,  
որով դրախտային պտուղին դառնացեալ համը  
մեզի համար քաղցրացուց  
եւ ախորժելի դարձուց:

Հրեշտակները զարհուրեցան տեսնելով  
մերկացեալ Տէրը, անոր զգեստին բաժնուիլը,  
պատմունճանին վիճակարկուիլը,  
եւ ըստ Դաւթեան խօսքին՝  
անոր ձեռքերուն եւ ոտքերուն ծակուիլը,  
եւ խաչին վրայ բեւեռուիլը մատներուն,  
որոնք Տասնաբանեայ պատուիրանները գրեցին:

## **Ս. ՅԱԿՈԲ ԱՌԱՋՆՈՐԴԱՆԻԱՍ ՄԱՅՐ ԵԿԵՂԵՅԻ ՄԵԾ ՊԱՀՔԻ ԼՍԱՐԱՆ 2019**

Հսկումի Ժամերգութիւն ամէն Չորեքշաբթի երեկոյեան 7.00-ին  
(10 Ապրիլ)

\*\*\*

Արեւազալի Ժամերգութիւն  
Ամէն Ուրբաթ առաւօտեան 10.00-ին (12 Ապրիլ)

\*\*\*

### **ԼՍԱՐԱՆ՝**

յետ Հսկումի Ժամերգութեան

5

Չորեքշաբթի, 10 Ապրիլին՝

**" Պատրա՛ստ Ես Ինքնաքննութեան "**

կը խօսի Առաջնորդ Սրբազան հայրը՝

Գերշ. Տ. Բարգէն Արքեպիսկոպոս

Հայ կեդրոնի «Արթօ եւ Ալիս Մարգարեան» ճաշարան

Զատնուայ Ճաշկերույթ

Buffet

Կիրակի 21 Ապրիլ 2019  
Կէսօրուան ժամը 1:30ին

Մուտքի նուէր՝ \$35  
6-12 տարեկան՝ \$20

Տեղերու ապահովման համար  
հաճեցէք հեռաձայնել՝

514-653-8870  
514-465-4093